

13  
10  
**BARZONEK,**

108 a

**EN ENOR**

DA

**LA TOUR-D'Auvergn.**

**QENTA GRENADIER A FRANÇ,**

EVIT BEZA CANET E CARAHES, DEIZ LID STATU AN HAROS,  
AR 27 A EVEN 1841, DAOU-UGUENT VLOAS JUST GOUDE E VARO.

---

Var ton : *Deomp oll, bugale qenvrois.*

---

**S**ALUD, ô Haros bras Breiz-Izel,  
LA TOUR-D'Auvergn, scoüer ar vaillanç,  
Te pini a voe atao fidel  
D'ar bannier sacr demeus ar Franç ! (2 vech.)  
Sell diouzomp diouz lein an êvou  
Amâ oll etal da imach,  
O renta did hor güir hommach  
Hac ouz da veuli dre hor moueziou.....  
Gloar da LA TOUR-D'Auvergn, scoüer eus ar güir vaillanç !  
Breizis ! Breizis ! celebromp oll Qenta Grenadier Franç !

Seitec vloas ha pêvar-uguent zo  
Kær-Ahés a velas guenel  
An Haros bras a veulomp hirio ,  
Vaillante den a Vreiz-Izel. ( 2 vech. )  
En deiz-mâ , ni , Armoricanet ,  
Dirac an den ar vaillante ,  
Toùomp da veza dign ountâ ,  
Rac ni ivez e Breiz omp ganet. Gloar , etc.

A boan a bemzee vloas voe oajet ,  
Ma sant e galon o sailla :  
Goad Turen' red en e voaziet ;  
Birvi a ra d'en imita. ( 2 vech. )  
Redec a ra vit en em vesca  
Etouez hor zoudarded vaillant ;  
Atao e penn e rejimant ,  
Netra na ell ountâ resista. Gloar , etc.

Mes ar seiz varnuguent a even ,  
Ebars er bloaves mil eiz cant ,  
Er penn demeus e c'hrenadourien ,  
Pa gombatte en den vaillant , ( 2 vech. )  
E creiz ar c'harnach eus ar goassa  
E voe lazet gant un tol lanç

Ar C'henta Grenadier a Franç ,  
Un haros demeus ar re vrassa.....  
O devez a c'hlac'har hac a gaòn er Franç oll!!!!...  
Breizis ! Breizis ! e c'hloar hepqen hor c'honsol eus e goll.

---

Eur seurt maro voa dign diountâ ,  
Pegument m'eo meurbed garo ,  
Rac n'eus qet caeroc'h fin er bed-mâ  
Eguet mervel vit ar vam-bro. ( 2 vech. )  
Coueza' ra evel ur güir haros ,  
En eur gombatti gant ardor :  
*Maro eo er C'hamp-a-Enor ;*  
En ênv e mâ brêmâ o repos. Gloar, etc.

---

O veuli hon Haros en deiz-mâ ,  
E veulomp an oll vertuziou ,  
Rac oll e voant unanet ennâ :  
Én eo Haros an oll vroyou. ( 2 vech. )  
Lealder, furnez ha vaillantis  
A gargüe bepret e galon ;  
Beza voa scoüer da bep Breton ;  
Criomp eta , coziad , yaouanqis : Gloar, etc.

---

Carantez sacr demeus hor mam-bro ,  
Cundu ha harp brec'h peb Breton ,

Ha gra ma en devezo ato  
Courach hon Haros er galon. ( 2 vech. )  
Scrifomp bepret var hor guitonou :  
LA TOUR-D'AUVERGN, BREIZ-IZEL, FRANÇ,  
Hanoyou leun eus a vaillanç,  
Hac a ray tridal ar galonou. Gloar, etc.

Ah! ra vezo an devez caer-mâ  
Gravet atao en hor memor,  
Vit ellout d'hor bugale conta  
An hommach rentet d'an enor. ( 2 vech. )  
O clêvet fêjou an den vaillant,  
E tisqint dont d'en imita,  
Evit un deiz ellout beza  
Eveltân leun a gourach ardant.  
Gloar da LA TOUR-D'AUVERGN, scoüer eus ar güir vaillanç!  
Breizis! Breizis! celebromp oll Qenta Grenadier Franç!

A. Lédan.

